

671.3449
074
12

固始縣志
卷一
卷二

原书缺页

原书缺页

鄉鎮里保市集邨莊第八

卷九

疆里古蹟陵墓寺觀第九

卷十

祠廟上第十

祠廟下第十一

卷十一

衙署倉廩驛遞第十二

卷十二

典禮第十三

卷十三

賦役第十四

卷十四

歲時風土禮俗物產第十五

卷十五

大事表第十六

卷十六

五等表第十七

原书缺页

原书缺页

卷二十五

列女第二十八
賢母 貞節 貞烈 孝淑

卷二十六

列傳藝文第二十九
列女藝文附

重修固始縣志

卷一

邑令武進謝聘修

縣第一

固始縣本名寢後漢光武更令名其地於周初為蓼國
蔣國地隸揚州之域

左傳桓公十一年鄆人軍於蒲騷將與隨絞州蓼伐
楚師

漢王符潛夫論莒蓼皆臯陶之後也

晉太康三年地志蓼國先在南陽故縣今豫州鄆縣

界故胡城是後徙於今固始縣地

史記夏本紀正義引

邑人曾力行按晉書地理志鄆縣隸豫州潁川郡仍

漢魏之舊即今許州鄆城縣河南省志胡國城在鄆

城界本春秋胡子國晉志固始隸汝陰郡汝陰故胡

子國前漢書汝南郡汝陰故胡國後漢書汝陰桂

曰縣西北有胡城而太康地志云故胡城在蓼國志

審何據又云蓼國先在南陽故縣南陽本申伯國

既滅韓徙天下不軌之民於南陽前漢地理志南陽

郡秦置屬荊州縣三十六後漢郡國志荊州南陽郡

三十七城晉地理志南陽國秦置郡統縣十四所謂
故縣亦不可考而晉志青州樂安國亦有蓼城顏師
古曰中古以來說地理者多矣穿鑿附會頗失其真
後之學者曾不考其謬論莫能尋其根本前漢書陳
留郡偃縣應劭曰鄭伯克段于鄆是也後漢屬梁國
而杜預曰鄆今潁川隰陵縣仲遠在漢元凱在晉皆
稱博雅且去春秋時未遠論固不同矧三代以前書
缺有間太康地志之說存疑可也

唐魏王泰括地志光州固始縣本春秋時蓼國偃姓

皋陶之後也

晉杜預左傳注蔣在弋陽期思縣

唐司馬貞史記索隱周公元子就封於魯次子留相
王室其餘食小國者六人凡蔣邢茅胙祭也

宋鄭樵通志蔣都期思故城在光州固始縣西北七
十里

舊志邑令張邦伸按前人縣志載蓼並載六又稱襄
王時為蓼蔣黃三國地並為弦子邑羅泌路史又以
蓼國為霍邱皆誤考黃今光州弦屬光山因宋紹興

宋改光山為期思並疑將為弦子邑失之遠矣春秋之時有六蓼舒及舒蓼等國按蓼為縣治水經注甚確六今屬六安舒屬舒城舒蓼則今霍邱治也

洪亮吉按舊志載縣地于夏為皐陶後封邑商因之今考鄭樵通志六蓼皆虞夏所以封皐陶馬貴與文獻通考六蓼等並禹時所建之國說皆有據然括地志引太康地志云蓼國先在南陽故縣今郢城縣界有故胡城是後始徙于此則夏殷時蓼國在今南陽屬邑不在固始縣地可知今止以周初為斷又舊志

國如縣志 卷一
載顓帝置九州舜典肇十有二州之類于固始一縣
無關今亦削之他若縣志必列星野皆近今所蔽此
志寧從其闕以合史例云

力行按夏殷前蓼當為英國春秋僖公十七年春齊
人徐人伐英氏胡傳楚之與國皋陶之後杜林未指
其地文公五年冬傳云楚公子燮滅蓼而經只言楚
人滅六史記正義曰蓋英後改為蓼也皋陶次子姁
甄大禹封為英伯武王封少昊後為英子皆偃姓

經注史記經義縣故城此又經

北至蓼入泲即今縣治無疑而路史云庭堅封之

城安

參引班志以為蓼亦姬姓第弗深考

春秋蓼蔣為吳楚與國後并於楚

左傳文公五年冬楚公子燮滅蓼

又襄公二十六年楚子秦人侵吳及雩婁聞吳有備

而還杜預注雩婁今屬安豐郡

舊志雩婁故城在今縣東南七十里李家

蔡

魏酈道元水經注泲水自雩婁縣北逕雞備亭春秋

昭公二十三年吳敗諸侯之師於雞父者也

春秋傳說彙纂期思故蔣國楚滅之漢置縣屬汝南郡隋屬光州兵亂後廢今在固始縣西北七十里

亮吉按舊志引羅泌路史云蔣先伯爵後侯爵楚滅之改為期思封其大夫復遂為期思公考楚縣尹皆僭稱公如葉公諸梁之類非封為公爵也又云蔣國始為伯爵後又加侯亦無所據羅泌所言類不可信今並削之

楚為期思寢二縣地

左傳文公十年楚子田孟諸期思公復遂為右司馬

杜預注復遼楚斯思邑公今平陽期思縣信之真

今縣西北七
十里期思集

左傳宣公十二年沈尹將中軍杜預注沈或為寢寢
今汝陰固始縣又哀公十八年楚有寢尹

史記滑稽列傳楚莊王召孫叔敖子封之寢邱四百
戶張守節正義今光州固始縣

呂氏春秋楚孫叔敖有功於國疾將死戒其子曰王
數欲封我我辭不受我死必封汝汝無受利地荆楚
間有寢邱者其為地不利而前有妬谷後有戾邱其